

**VI. КОРХОНАЛАР ВА ТАШКИЛОТЛАР
 ФАОЛИЯТИНИНГ УМУМИЙ ТАЪРИФИ**
(фермер ва деҳқон хўжаликларисиз)


Корхоналар ва ташкилотлар ягона давлат регистри маълумотларига кўра 2019 йилнинг 1 апрель ҳолатига рўйхатга олинган юридик шахслар сони (фермер ва деҳқон хўжаликларисиз) 24207 тага етди, шундан фаолият кўрсатаётганлари сони 23073 тани ёки жами рўйхатга олинган юридик шахсларнинг 95,3% ини ташкил қилди.

Рўйхатдан ўтган корхоналар ва ташкилотларнинг асосий улуши Наманган шаҳри(37,5%), Чуст(8,2%), Наманган(7,0%) ва Тўрақўрғон(6,2%) туманлари ҳиссаларига тўғри келади.

**Рўйхатга олинган ва фаолият кўрсатаётган корхоналар ва ташкилотларнинг
 ҳудудлар бўйича тақсимланиши**
(2019 йилнинг 1 апрель ҳолатига)

	Рўйхатга олинган		Фаолият кўрсатаётган	
	бирлик	жамига нисбатан улуши % да	бирлик	жамига нисбатан улуши % да
Наманган вилояти	24207	100,0	23073	100,0
<i>туманлар:</i>				
Наманган ш	9073	37,5	8554	37,1
Мингбулоқ	970	4,0	962	4,2
Косонсой	1459	6,0	1401	6,1
Наманган т	1681	7,0	1624	7,0
Норин	1036	4,3	991	4,3
Поп	1363	5,6	1273	5,5
Тўрақўрғон	1502	6,2	1421	6,2
Уйчи	1458	6,0	1443	6,2
Учқўрғон	1254	5,2	1223	5,3
Чортоқ	1242	5,1	1186	5,1
Чуст	1986	8,2	1888	8,2
Янгиқўрғон	1183	4,9	1107	4,8

Рўйхатдан ўтган субъектларнинг ҳудудлар бўйича улуши, %




Иқтисодий фаолият турлари бўйича рўйхатга олинган корхоналар ва ташкилотларнинг асосий қисми савдо (жами рўйхатга олинган юридик шахсларнинг 25,8%), саноат (20,6%), қурилиш (7,3%), қишлоқ ва ўрмон хўжалиги (7,2%) соҳаларига тўғри келади.

**Рўйхатга олинган ва фаолият кўрсатаётган корхоналар ва ташкилотларнинг
иқтисодий фаолият турлари бўйича тақсимланиши
(2019 йилнинг 1 апрель ҳолатига)**

	Рўйхатга олинган		Фаолият кўрсатаётган	
	бирлик	жамига нисбатан улуши % да	бирлик	жамига нисбатан улуши % да
Жами	24207	100,0	23073	100,0
<i>шу жумладан:</i>				
қишлоқ ва ўрмон хўжалиги	1736	7,2	1657	7,2
саноат	4982	20,6	4841	21,0
қурилиш	1776	7,3	1649	7,1
савдо	6238	25,8	5807	25,2
ташиш ва сақлаш	880	3,6	848	3,7
яшаш ва овқатланиш бўйича хизматлар	1017	4,2	957	4,1
ахборот ва алоқа	366	1,5	346	1,5
соғлиқни сақлаш ва ижтимоий хизматлар кўрсатиш	532	2,2	517	2,2
бошқа турлари	6680	27,6	6451	28,0

Фаолият кўрсатаётган корхоналар ва ташкилотларнинг иқтисодий фаолият турлари бўйича улуши, %




- Қишлоқ ва ўрмон хўжалиги
- Саноат
- Қурилиш
- Савдо
- Ташиш ва сақлаш
- Яшаш ва овқатланиш бўйича хизматлар
- Ахборот ва алоқа
- Соғлиқни сақлаш ва ижтимоий хизматлар кўрсатиш
- Бошқа турлар

Корхоналар ва ташкилотларнинг умумий сонига фаолият кўрсатаётган субъектларнинг улуши 95,3% ни, шу билан бирга жами корхоналар ва ташкилотларнинг умумий сонига нисбатан фаолият кўрсатмаётганларнинг улуши 4,7% ни ташкил этганлигини кўрсатмоқда ва бу кўрсаткич йил бошига нисбатан таққослаганда 0,1% камайган.

Корхоналар ва ташкилотларнинг умумий сонидан фаолият кўрсатаётганлар ва фаолиятсизларнинг улуши, %

01.01.2019 й.

01.04.2019 й.




2019 йил 1 апрель ҳолатига 18776 та тижорат шаклидаги корхоналар ва ташкилотлар фаолият кўрсатаётган бўлиб, шундан хусусий корхоналар – 6137 та, оилавий корхоналар – 393 та, масъулияти чекланган жамиятлар – 11810 тани ва 436 тани бошқа тижорат корхоналари ташкил этади.

Фаолият кўрсатаётган юридик шахслар-хўжалик юритувчи субъектларнинг ташкилий ҳуқуқий шакллари бўйича тақсимланиши, бирликда




2019 йилнинг январь-март ойларида жами 2136 та янги корхоналар ва ташкилотлар рўйхатга олинган бўлиб, 2018 йилнинг шу даврига нисбатан 2,1 мартага кўпроқ. Янги ташкил этилган корхоналар ва ташкилотларнинг асосий қисми Наманган шаҳри (614 та), Чуст (197 та), Поп (169 та), Учқўрғон (159 та) ва Косонсой (154 та) туманларига тўғри келади. Энг кам эса, Янгиқўрғон (101), Чортоқ ва Мингбулоқ (108 тадан) туманларига тўғри келади.

Ҳудудлар бўйича янги ташкил этилган корхоналар ва ташкилотларнинг сони, бирликда



Иқтисодий фаолият турлари бўйича янги ташкил этилган корхоналар ва ташкилотларнинг улуши савдода 43,1% , саноатда 26,8%, қурилишда 6,6% ва қишлоқ ва ўрмон хўжалигида 5,7% ни ташкил этади.

**Янги ташкил этилган корхоналар ва ташкилотларнинг
иқтисодий фаолият турлари бўйича улуши, %**



2019 йил 1 апрель ҳолатига вилоятимизда фаолият кўрсатаётган кичик тадбиркорлик субъектларининг сони 18776 тадан ортиқни ташкил этди. Бу кўрсаткич 2018 йил шу даврига нисбатан 16,3% га ошган.

Фаолият кўрсатаётган кичик тадбиркорлик субъектларининг асосий қисми, яъни 7345 таси (жами субъектларнинг 39,1%) Наманган шаҳрига, 1550 таси (8,2%) Чуст, 1382 таси (7,4%) Наманган ҳамда 1171 таси (6,2%) Уйчи туманлари ҳиссаларига тўғри келади. Энг кам фаолият кўрсатаётганлар эса 707 таси (3,8%) Мингбулоқ, (734 таси (3,9%) Норин, 820 таси (4,4%) Янгиқўрғон, 923 таси (4,9%) Чортоқ, 935 таси (5,0%) Учқўрғон туманлари ҳиссаларига тўғри келади.

**Фаолият кўрсатаётган кичик тадбиркорлик субъектларининг
ҳудудлар бўйича сони**

	2019 йил 1 январь ҳолатига		2019 йил 1 апрель ҳолатига	
	бирлик	жамига нисбатан улуши % да	бирлик	жамига нисбатан улуши % да
Наманган вилояти	16975	100,0	18776	100,0
<i>туманлар:</i>				
Наманган ш	6919	40,8	7345	39,1
Мингбулоқ	608	3,6	707	3,8
Косонсой	982	5,8	1136	6,0
Наманган т	1264	7,4	1382	7,4
Норин	624	3,7	734	3,9
Поп	784	4,6	932	5,0
Тўрақўрғон	1037	6,1	1141	6,1
Уйчи	1043	6,1	1171	6,2
Учқўрғон	789	4,6	935	5,0
Чортоқ	828	4,9	923	4,9
Чуст	1366	8,1	1550	8,2
Янгиқўрғон	731	4,3	820	4,4

Фаолият кўрсатаётган жами 18776 та кичик тадбиркорлик субъектларининг 5784 таси (30,8%) - савдода, 4813 таси (25,6%) - саноатда, 1646 таси (8,8%) - қурилишда, 1631 таси (8,7%) - қишлоқ, ўрмон ва балиқ хўжалигида, 953 таси (5,1%) - яшаш ва овқатланиш бўйича хизматлар соҳасида, 842 таси (4,5%) - ташиш ва сақлашда, 327 таси (1,7%) - ахборот ва алоқа соҳасида, 419 таси (2,2%) - соғлиқни

сақлаш ва ижтимоий хизматлар кўрсатишда, шунингдек 2361 таси (12,6%) - бошқа фаолият турлари ҳиссаларига тўғри келади. Шундан кўришиб турибдики, фаолият кўрсатаётган кичик тадбиркорлик субъектларининг асосий қисми саноат ва савдо фаолият турларига тўғри келади. Шунингдек, энг кам улуши эса соғлиқни сақлаш ва ижтимоий хизматлар ҳамда ахборот ва алоқа фаолият турларига тўғри келади.

Фаолият кўрсатаётган кичик тадбиркорлик субъектларининг иқтисодий фаолият турлари бўйича улуши, %




Кичик тадбиркорлик субъектларини қўллаб-қувватлаш асосида уларнинг ишлаб чиқариш фаолиятини самарали ташкил этиш бўйича ишлар етарли даражада ташкил этилмаганлиги сабабли, фаолият кўрсатмаётган кичик тадбиркорлик субъектларининг жами рўйхатга олинганларнинг умумий сонига нисбатан улуши юқори бўлмоқда. Жумладан, 2019 йилнинг 1 апрель ҳолатига Наманган вилоятида жами рўйхатдан ўтган кичик тадбиркорлик субъектларининг умумий сонига фаолият кўрсатмаётганларнинг улуши 5,4% ни (1011 та) ташкил қилган, уларнинг сони ўтган йилнинг шу даврига нисбатан 49 тага кўпайган.

Ҳисобот даврида 292 та корхоналар ва ташкилотлар фаолияти тугатилган бўлиб, улардан 37 таси (жами фаолияти тугатилганларнинг 12,7%) ихтиёрий тугатиш тартибини қўллаш орқали тугатилган.

Хорижий капитал иштирокидаги корхоналар. 2019 йил 1 апрель ҳолатига фаолият кўрсатаётган хориж капитали иштирокидаги корхоналар сони 156 тани ташкил этди. Ўтган йилнинг шу даврига нисбатан 51 тага ёки 48,6% га ўсган. Шунингдек, Хорижий капитал иштирокидаги фаолият кўрсатаётган корхоналардан 110 таси қўшма корхоналар, 46 таси эса хорижий корхоналар ҳисобланади.

Фаолият кўрсатаётган хорижий капитал иштирокидаги корхоналар таркибида қўшма корхоналар ва хорижий корхоналарнинг сони, бирликда



Хорижий капитал иштирокидаги фаолият кўрсатаётган корхоналарнинг асосий қисми Наманган шаҳар 54 та (34,6%), Косонсой 14 та (9,0%), Поп ва Уйчи 13 тадан (8,3%), Тўрақўрғон, Чортоқ 12 тадан (7,7%) туманлари ҳиссаларига тўғри келади. Энг кам хорижий капитал иштирокида ташкил этилган корхоналар Мингбулоқ 2 та (1,3%), Учқўрғон 5 та (3,2%), Наманган 6 та (3,8%) туманлари ҳиссаларига тўғри келади. Бу эса мазкур ҳудудларда хорижий ҳамкорлар билан ишлашни, инвестициялар жалб этиш борасида амалга оширилиши лозим бўлган ишларни янада ривожлантиришни талаб этади.

**Фаолият кўрсатаётган хорижий капитал иштирокидаги
корхоналарнинг ҳудудлар бўйича сони ва улуши
(2019 йилнинг 1 апрель ҳолатига)**

	<i>бирлик</i>	<i>Жамига нисбатан улуши % да</i>
Наманган вилояти	156	100,0
<i>туманлар:</i>		
Наманган ш	54	34,6
Мингбулоқ	2	1,3
Косонсой	14	9,0
Наманган т	6	3,8
Норин	7	4,5
Поп	13	8,3
Тўрақўрғон	12	7,7
Уйчи	13	8,3
Учқўрғон	5	3,2
Чортоқ	12	7,7
Чуст	11	7,1
Янгиқўрғон	7	4,5

Фаолият кўрсатаётган 156 та хорижий капитал иштирокидаги корхоналарни иқтисодий фаолият турлари бўйича олиб қарайдиган бўлсак, 98 таси (62,8%) саноат, 17 таси (10,9%) савдо, 15 таси (9,6%) қишлоқ, ўрмон ва балиқ хўжалигида, 6 таси (3,8%) соғлиқни сақлаш ва ижтимоий хизматлар кўрсатиш, 4 таси (2,6%) яшаш ва овқатланиш бўйича хизматларда, 2 таси (1,3%) қурилиш, ахборот ва алоқада, 1 таси (0,6%) ташиш ва сақлашда ҳамда 11 таси (7,1%) бошқа фаолият турлари ҳиссаларига тўғри келади. Шундан кўриниб турибдики, фаолият кўрсатаётган хорижий капитал иштирокидаги корхоналарнинг асосий қисми саноат ва савдо фаолият турига тўғри келади. Шунингдек, энг кам улуши эса ташиш ва сақлаш ҳамда ахборот ва алоқа фаолият турларига тўғри келади.

**Фаолият кўрсатаётган хорижий капитал иштирокидаги корхоналарнинг
иқтисодий фаолият турлари бўйича сони ва улуши
(2019 йилнинг 1 апрель ҳолатига)**

	<i>бирлик</i>	<i>Жамига нисбатан улуши % да</i>
Жами	156	100,0
<i>шу жумладан:</i>		
қишлоқ, ўрмон ва балиқ хўжалиги	15	9,6
саноат	98	62,8
савдо	2	1,3
соғлиқни сақлаш ва ижтимоий хизматлар кўрсатиш	17	10,9
ташиш ва сақлаш	1	0,6
яшаш ва овқатланиш бўйича хизматлар	4	2,6
ахборот ва алоқа	2	1,3
бошқа турлари	6	3,8

2019 йилнинг январь-март ойида хорижий капитал иштирокидаги рўйхатдан ўтган янги корхоналарнинг сони 23 тани ташкил қилган. Бу кўрсаткич эса ўтган йилнинг шу даврига нисбатан 19 тага кўпайган ёки 5,7 баробарга ошган.

Бунда, Хитой Халқ Республикаси - 6 та, Россия Федерацияси, Корея ва Қозоғистон Республикаси резидентлари капитали иштирокида – 3 тадан, Туркия Республикаси, Афғонистон-1 тадан янги корхоналар рўйхатдан ўтган.


Вилоятдаги 23 та янги ташкил этилган хорижий капитал иштирокидаги корхоналарнинг асосий қисми Наманган шаҳри (2 та), Поп (5 та), Уйчи, Чуст (3 тадан), Косонсой, Чортоқ, Янгиқўрғон (2 тадан) туманлари ҳиссаларига тўғри келади. Хорижий капитал иштирокидаги корхоналарнинг энг кам ташкил этган туманлар қаторига Мингбулоқда умуман ташкил этилмаган, Наманган, Норин, Учқўрғон (1 тадан) туманларини киритиш мумкин.

Янги ташкил этилган хорижий капитал иштирокидаги корхоналарнинг ҳудудлар кесимидаги сони ва улуши

	<i>бирлик</i>	<i>Жамига нисбатан улуши % да</i>
Наманган вилояти	23	100,0
<i>туманлар:</i>		
Наманган ш	2	8,7
Мингбулоқ		
Косонсой	2	8,7
Наманган т	1	4,4
Норин	1	4,4
Поп	5	21,7
Тўрақўрғон	1	4,4
Уйчи	3	13,0
Учқўрғон	1	4,3
Чортоқ	2	8,7
Чуст	3	13,0
Янгиқўрғон	2	8,7

Янги ташкил этилган хорижий капитал иштирокидаги корхоналарни иқтисодий фаолият турлари бўйича кўрадиган бўлсак, асосан саноатда 8 та, қишлоқ, ўрмон ва балиқ хўжалигида 6 та, савдода 3 та хорижий капитал иштирокидаги корхоналар янги ташкил этилган.

Янги ташкил этилган хорижий капитал иштирокидаги корхоналарнинг иқтисодий фаолият турлари бўйича сони, бирликда



Оилавий корхоналар. Юридик шахс сифатида давлат рўйхатидан ўтган оилавий корхоналар сони - 2019 йил 1 апрель ҳолатига 405 тани ташкил этиб, улардан 393 таси ёки 97,0% фаолият юритади. Бу кўрсаткич ўтган йилнинг шу даврига нисбатан давлат рўйхатидан ўтганларнинг умумий сонига нисбатан ўртача 46,0% га ошганлигини таъкидлаш лозим.